

36.

Միտթարեան նամակագիրը կը սրբագրէ Ֆրանսացի Գաբրիէլ անուն վեղարուորին պատրաստած Լատին—Հայ բառարանի մը ընծայական թուղթը, որ պիտի մատուցուի Ֆրանսայի թագաւորին:

Ամենպատիւ տեառն տեառն Արքաձօր մերոյ խոնարհական ողջոյն

1772 փետր. 6

... Փատրի ոմն ի գաբուշինաց Գաբրիէլ անուն, ուսեալ զլեզուն հայոց, արարեալ էր զբառարան ի լատին լեզուէ ի հայ բարբառ իբրև զվիօթն. և հանդերձեալ էր երթալ ի գաղ'ղ'իա, և հրամանաւ արքային տպագրել զայն. զթուղթն ընծայութեան բառարանին առ թագաւորն գաղ'ղ'իացւոց, որպէս օրէն է առնել և տպագրել ի ճակատս զրոց, ետցիս և ինդրեաց յինէն սրբագրել զայն ըստ մերում ոճոյ. և ես սրբագրեալ զայն ըստ կարի իմում, իբրև ետու նմա, նա այնչափ հաւանեցաւ ընդ այն, մինչև ոչ յազէր յընթեռնլոյ զայն. և աննախանձ յերեսս իմ առաջի այլոց գովէր և համբաւէր. և ասէր. տեսանէ՞ք զայս կարգաւոր, գերագոյն քան զիս է յարհեստս ճարտասանութեան. և ես կամաւ զայն այնպէս սրբագրեցի, զի նա զայն յառաջագոյն քան զիս այլոց հայոց տուեալ էր սրբագրել, և նոքա հրաժարեալ էին. և ասացեալ. զայդ գործ կարող են առնել միայն կարգաւորքն վենէտիկեան սուրբ ղազարու մենաստանին...:

Նուստ ծառայ
Հայր Գանիէլ վրդպ.

39.

Պատրայի կառավարութիւնը Հրէից ձեռքն ըլլալուն հաւաստիքներ և ծանօթութիւններ նշանակուած են:

Գերշարգեղի արքաձօր իմուռ տեառն տեառն Ստեփաննոս րաբունապետի համբարտիւ աչոյն ողջոյն ի Քրիստոս

... Տէր գրիգորն բազում ուրախութեամբ և յաւէտ բազում աւետօք յորգորէ զիս ընդ իւր միաբանիլ յայն խորհուրդ՝ զոր ի ծերութեան իւրում ենթադրէ: Ի թիֆլիզ ասէ կայ եկեղեցի մի փատրոց, և այժմ այն եկեղեցի ոչ է ի ձեռս նոցա, այլ կամ դատարկ է, և կամ ի ձեռս յունաց, զի հերակլն բարկացեալ ի վերայ փատրոց՝ արտաքսեալ է զնոսա ի թիֆլիզու. և թէպէտ յետոյ կոչեալ է զնոսա յետս, բայց զեկեղեցին ոչ է տուեալ ի ձեռս նոցա: Արդ ասէ ես ունիմ ի թիֆլիզ մեծ բարեկամ գոյն մի ուղղափառ՝ որ այժմ է տիվանպէյի, և սիրելի յաչս հերակլի՛ է Եւ այժմ զրեցի (ասէ) ևն, զի եթէ զայն եկեղեցի մեզ տայցէ՝ զնամ անդ և բազում հոգևոր շահ ընծայի ժողովրդեան...:

Կարծեմ թէ ի վերայ իշխանութեան հրէից աստ եղելոց ինչ ոչ եմ գրեալ Գերշարգութեանդ. ուստի քանի ինչ ի վերայ այնր ևս զրեցից: Տէրութիւն և իշխանութիւն քաղաքիս ընդ կառավարութեան է ի ձեռս հրէից, մանաւանդ ի ձեռս գլխոյ նոցա՝ որ ասի եաղուպ: Եւ թէ որչափ է իշխանութիւն սորա կարէք իմանալ ի հնգից. նախ՝ զի յորժամ միասէլլիմն քաղաքիս իշխանութիւն առեալ ի փաշայէն պաղտատայ եկն աստ,